



## Publicaziuns officialas dils 20-03-2020

---

### Damondas da baghegiar

Nr. 11/2020

Datum da publicaziun: 20-03-2020  
Patrun: Herger Hans, 7175 Sumvitg  
Liug e parcellas: Perapuo; 6757  
Object: nova via da funs

Nr. 26/2020

Datum da publicaziun: 20-03-2020  
Patrun: Ritter Ingrid, 7176 Cumpadials  
Representant: Daniel Maissen SA, 7172 Rabius  
Liug e parcellas: Cantun; 3086  
Object: midada da bargia en lautga cuvretga ed engrondaziun dallas finiastras

Nr. 29/2020

Datum da publicaziun: 20-03-2020  
Patrun: Tuor Carlo e Nicole, 7172 Rabius  
Representant: Beer SA, 7172 Rabius  
Liug e parcellas: Gir; 301  
Object: construcziun d'ina garascha

Nr. 30/2020

Datum da publicaziun: 20-03-2020  
Patrun: Tgetgel Marcus, 7013 Domat  
Representant: Coray Holzbau AG, 7130 Glion  
Liug e parcellas: Reits; 1435  
Object: sanaziun dil tetg e spazzar duas lautgas

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-03-2020

*Cumissiun da baghegiar*

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

**Nr. 04/2020**

Hans Herger, 7175 Sumvitg; prender ora crappa dalla parcella nr. 6252 a Sumvitg-Seglias.

Sumvitg, 20-03-2020

*Cumissiun da baghegiar*

### **Radunonza da vischnaunca**

Muort il coronavirus vegn la radunonza da vischnaunca da **mardis, ils 31 da mars 2020** spustada. Il niv datum dalla radunonza vegn communicaus a dretg temps. Bien engraziament per Vossa capientscha.

Sumvitg, 20-03-2020

*Suprastonza communal*

### **Vignettas da mopeds**

La vignetta da mopeds 2020 sa vegnir retratga tier l'administraziun communal. La taxa munta **frs. 43.--**.

Sumvitg, 20-03-2020

*Administraziun communal*

### **Lenna da brisch 2020**

La vischnaunca da Sumvitg offerescha a vischinas e vischins la cumpra da lenna da brisch sco suonda:

#### **Pégn**

Igniu, Falens, Plaun Petschen

55.00 frs/m<sup>3</sup>

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 920 25 06). Las empustaziuns ston succeder entochen sil pli tard venderdis, ils **3 d'avrel 2020**.

Bien engraziament per Vossa empustaziun!

Sumvitg, mars 2019

*Il selvicultur da revier  
Flurin Cathomas*

### **Coronavirus**

Sco Vus haveis segirafranc gia intervegniu ha la Regenza dil cantun Grischun priu differentas mesiras per impedir la derasaziun dil coronavirus. Per las controllas dallas mesiras ein las vischnauncas responsablas.

Il stab da crisa dalla vischnaunca da Sumvitg ha priu enconuschientscha dallas mesiras e fa il pusseivel sin intschess dalla vischnaunca da Sumvitg per impedir la derasaziun dil virus.

En quei connex supplichescha il stab da crisa da risguardar ils cussegls pertuccont la higiena:

- tener distanza
- lavar da rudien ils mauns cun savun
- desister sin dar il maun
- sturnidar ni tuoscher en fazalet ni foppa dil cumbel
- cun tuos ni febra star a casa
- visitar il miedi ni staziun d'urgenza mo cun annunzia

Dapi ils 14 da mars 2020 ein tut las activitads d'uniuns scumandadas. Plinavon ein tut ils loghens da sediverti serraì. Nus supplichein da setener vid ils scamonds.

### *Administraziun communal*

Il spurtegl dall'administraziun communal resta pil mument serraus. Tuttas damondas all'administraziun ston succeder en emprema lingia per telefon ni e-mail. L'administraziun communal decida allura schebein ei drova in'audienza.

### *Agid per gruppas da resca*

Per persunas dalla gruppa da resca sco senior/as (65 +) ni persunas cun malsognas che duessan buca bandunar la casa che basegnan agid (p. ex. far cumissiuns, pagaments da banca, posta, viadis tier medis etc.) porscha la vischnaunca agid. Talas persunas ein supplicadas da s'annunziar tier l'administraziun communal (081 920 25 00). La vischnaunca vegn a sestentar per procurar per in agid corrispudent.

Duront las proximas jamnas ei il stab crisa contonschibels duront 24 uras sin la numera 081 920 25 00. Ulteriuras informaziuns ein disponiblas sin las paginas d'internet [www.sumvitg.ch](http://www.sumvitg.ch) e [www.gr.ch](http://www.gr.ch).

*Cunquei che la situaziun dil virus sa semidar supplichien nus da cuntinuadamein s'informar.*

Nus supplichein per enconuschientscha e supplichein da risguardar las mesiras. Mo comunablamein savein nus impedir la derasaziun dil coronavirus.

Sumvitg, 20-03-2020

*Stab da crisa*

## **Uras d'avertura deponia da verd Igniu**

La deponia ei aviarta naven da sonda, ils 21 da mars 2020 sco suonda:

- mardis: 17.00 – 20.00 uras
- gievgia: 17.00 – 20.00 uras
- sonda: 09.00 – 12.00 uras

Il suandont ei lubiu da dismetter:

### Deponia da caglias

- caglias e roma cun diameter sur 4 cm
- bests da plontas
- pignola senza material jester

### Deponia da verd

- roma, dascha e caglias cun diameter entochen 4 cm
- fluras
- tagl da pastget e prau
- fein e strom
- feglia, zercllem e puma curdada
- fluras da balcon e da ruogs cun tratsch, denton senza ruog
- curdems da preparar fretgs, puma e legums
- cordas e sacs cumpostibels
- scorsa
- resgem e stialas da lenna buca tractada
- crosas d'ovs
- fundagl da caffè e jarvas da te

Ulteriuras informaziuns ein disponiblas sin la pagina d'internet [www.sumvitg.ch](http://www.sumvitg.ch). Nus supplichein per enconuschientscha e capientscha.

Sumvitg, 20-03-2020

*Departament ambient*

## **Tgira d'urgenza**

La canorta Lumpazi porscha tgira d'urgenza per tuts affons denter 3 meins e 12 onns che han negina outra pusseivladad da tgira.

**Gliendisdis – Venderdis**, las 6.30 – 18.00

Dapli informaziuns anfleis vus sin la pagina d'internet [www.lumpazi-cadi.ch](http://www.lumpazi-cadi.ch)

Annunzias preudin nus encunter sin 081 936 40 65 | 079 380 10 38 | [info@lumpazi-cadi.ch](mailto:info@lumpazi-cadi.ch)

*Canorta Lumpazi*

## **Interrupziun dil current electric en lavischnaunca Sumvitg en la Val Sumvitg**

Preziada clientella

Per che Vus sappies era vinavon quintar cun in segir ed intact provediment da forza electrica, stuein nus far lavurs d'extensiun e manteniment vid nos indrezs. Ort motivs da segirtad vegnin nus perquei ad interrumper temporarmein la furniziun d'energia, e quei numnadamein

**gliendisdis, ils 23 da mars 2020**, naven dallas 13.00 entochen allas 17.00. Nus engraziein per Vossa capientscha. Amicabels salids *Repower Svizra*